



Broj: 04-GV-04-1045/21
Sarajevo, 20.09.2021. godine

ZAPISNIK
O RADU PETE SJEDNICE KOMISIJE ZA SPOMENIKE
GRADSKOG VIJEĆA GRADA SARAJEVA
ODRŽANE 20.09.2021. GODINE

Prisutni:

1. Jelena Samardžić, zamjenica predsjedavajućeg
2. Aldijana Kulin, članica
3. Edin Veletovac, član
4. Denis Čolić, član
5. Hazim Bahtanović, član

Odsutni: Damir Dinarević, predsjedavajući, Almedin Miladin, član (najavljeni izostanci)

Sjednici iz Stručne službe Gradskog vijeća Grada Sarajeva prisustvuje:

- Zinaida Beširević, šef Odjeljenja za stručne poslove

Sjednici prisustvuje:

- Tarik Zečić, ispred Gradske službe za urbano planiranje, investicije, stambene i komunalne poslove

Sjednica je započela s radom u 13.06 sati.

Zamjenica predsjedavajućeg Komisije je otvorila sjednicu, pozdravila prisutne, utvrdila kvorum za rad i odlučivanje.

Sjednica je započela razmatranjem i jednoglasnim usvajanjem Zapisnika o radu Četvrte sjednice Komisije za spomenike Gradskog vijeća Grada Sarajeva održane 13.09.2021. godine.

Na prijedlog zamjenice Predsjedavajućeg, jednoglasno je usvojen sljedeći **dnevni red**:

1. Razmatranje dopune Inicijative za podizanje spomenika Kralju Tvrtu I Kotromaniću
2. Razmatranje Inicijative za podizanje spomenika "Ženi Sarajeva"
3. Razmatranje Inicijative za podizanje spomenika Denisu Mrnjavcu
4. Predlaganje tema za izradu Nacrta Programa rada Gradskog vijeća Grada Sarajeva za 2022. godinu
5. Tekuća pitanja



TAČKA 1.

Razmatranje dopune Inicijative za podizanje spomenika Kralju Tvrtku I Kotromaniću

Uvodno izlaganje podnio je predstavnik Predlagača.

Poslije uvodnog izlaganja i rasprave, na prijedlog zamjenice Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike je razmatrala prijedlog lokacija za spomenik Kralju Tvrtku I Kotromaniću i **odabire lokaciju - Park između zgrada Zemaljske vlade (k.č. 1608, K.O. Sarajevo IV)**, te predlaže Gradonačelnici da pristupi pribavljanju idejnog rješenja budućeg spomenika, konkursnom procedurom.

TAČKA 2.

Razmatranje Inicijative za podizanje spomenika “Ženi Sarajeva”

Uvodno izlaganje podnio je predstavnik Predlagača.

Poslije uvodnog izlaganja i rasprave, na prijedlog zamjenice Predsjedavajućeg, Komisija za spomenike **jednoglasno** je usvojila sljedeće **zaključke**:

1. Komisija za spomenike je razmotrila Inicijativu za podizanje spomenika “Ženi Sarajeva” i potvrđuje stav Komisije iz 2016. godine da je navedeni spomenik od značaja za Grad Sarajevo.
2. Komisija za spomenike sugeriše Udruženju „Obrazovanje gradi BiH“, kao podnosiocu inicijative, a uzevši u obzir Odluku o spomenicima od značaja za Grad Sarajevo gdje je propisano da se idejno rješenje u užem gradskom jezgru dobavlja putem konkursa, da razmotri eventualne lokacije u općinama Novo Sarajevo i Novi Grad kako bi ponuđeno idejno rješenje moglo biti i realizovano.

TAČKA 3.

Razmatranje Inicijative za podizanje spomenika Denisu Mrnjavcu

Uvodno izlaganje podnio je predstavnik Predlagača.

Poslije uvodnog izlaganja i rasprave, na prijedlog zamjenice Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike je razmotrila Inicijativu gradskog vijećnika Adi Škaljića za podizanje spomenika Denisu Mrnjavcu i konstatuje da je spomenik od značaja za Grad Sarajevo u skladu sa članom 3. Odluke o spomenicima od značaja za Grad Sarajevo (“Službene novine Kantona Sarajevo”, broj 49/19), te da se pokrenu aktivnosti na realizaciji podizanja spomenika kada se steknu uslovi.

TAČKA 4.

Predlaganje tema za izradu Nacrta Programa rada Gradskog vijeća Grada Sarajeva za 2022. godinu

Uvodno izlaganje je podnijela predstavnicom Predlagača.

Poslije uvodnog izlaganja i rasprave, na prijedlog zamjenice Predsjedavajućeg, Komisija za spomenike **jednoglasno** je usvojila sljedeći **zaključak**:

Komisija za spomenike konstatuje da nema prijedloga za izradu Nacrta Programa rada Gradskog vijeća za 2022. godinu, te da će eventualne prijedloge iznijeti prilikom razmatranja Nacrta Programa rada Gradskog vijeća Grada Sarajeva za 2022. godinu.

TAČKA 5.

Tekuća pitanja

Pod ovom tačkom dnevnog reda nije bilo zaključaka.

ZAMJENICA PREDSEDVAJUĆEG KOMISIJE

Jelena Samardžić, s.r.

Zamjenica Predsjedavajućeg Komisije je u 13.55 sati zaključila rad Pete sjednice Komisije za spomenike Gradskog vijeća Grada Sarajeva.